



ÅRSMELDING LESJA KYRKJELEGE RÅD 2017

Lesja kyrkjelege råd:

01.01. – 31.12.2017:

Einar Morken (leiar)
Jorunn Einbu Teigen (nestleiar)
Aasmund Kolstad
Audny Bakken
Torbjørn Thøring
Anne-Grete Dalum Tordhol
Kommunal representant:
Liv Enstad
Biskopens representant:
Kjell Svarstad (01.01.-11.05.)
Maria Walfridsson (01.09.)

Inger Karin Stavem
Anne Torsgård
Marit Hole Tynnøl
Katrine Stensland
Jon Olav Løkken

Marita Lindbom

Paul Gunnar Skuland



Lesja kyrkjelege råd har hatt 5 møter, dei har behandla 36 saker. Kyrkjeverje er med som sekretær. Siste møte før sommaren vart halde på Tandsetre, der møtet vart avslutta med sosialt samvær for både stab og råd.

Lesja kyrkjelege administrasjonsutval (partsamansett utval) i 2017:

01.01.-31.12.2017:

Audny Bakken
Einar Morken
Jorunn Einbu Teigen
Paul Gunnar Lien
Ola Nørstebø

frå kyrkjeleg råd
frå kyrkjeleg råd
frå kyrkjeleg råd
frå dei tilsette
frå dei tilsette

Partsamansett utval fungerer og som forhandlingsutval.

Kyrkjeverje er fast sekretær i forhandlingsutval og partsamansett utval. Korkje partsamansett utval eller forhandlingsutvalet har ikkje hatt møte i 2017.

Gudsteneste- og trusopplæringsutval:

Gudsteneste- og trusopplæringsutvalet skal arbeide for eit breidt og mangfalding tilbod av gudstenestar og arrangement i kyrkjene. Utvalet skal og ha fokus på at fleire medlemmar skal ynskje å nytte dette tilbodet.

Utvalet har ansvar for opplæring av dei døypte i den kristne tru. Målgruppa for trusopplæringa er kyrkja sine medlemmar i aldersgruppa 0-18 år.

01.01.-31.12.2017:

Anne-Grete Dalum Tordhol
Jorunn Einbu Teigen
Audny Bakken
Einar Morken

Kjell Svarstad/Maria Walfridsson
Paul Gunnar Lien

Diakoniutval:

01.01.-31.12.2017:

Anne-Grete Dalum Tordhol
Sølvi Marie Johansen
Elsa Karlsson Traasdahl (kom inn heilt på slutten av året)

Diakon Inger Gravem er med som sekretær

Kyrkje- og kyrkjegardsutval:

Kyrkje- og kyrkjegardsutvalet skal bidra til at kyrkjene og kyrkjegardane i båe sokn er i slik stand som vi til ei kvar tid ynskjer at dei skal vera, og slik kyrkjelov og regelverk krev. Utvalet utfører sine oppgåver, på vegne av Lesja kyrkjelege råd, og i samarbeid med kyrkjetenarane. Medlemmane i utvalet skal representere kvar si kyrkje/kyrkjegard.

01.01.-31.12.2017:

Jan Magne Bøe	Lesjaskog kyrkje/kyrkjegard
Torbjørn Thøring	Lesjaverk kyrkje/kyrkjegard
Aasmund Kolstad	Lesja kyrkje/kyrkjegard

Arrangementsutval:

Arrangementsutvalet skal bidra til å gjennomføre kyrkjelege tilstellingar som Lesja kyrkjelege råd foreslår.

Utvalet er ei ressursgruppe som og kan foreslå arrangement for rådet, og skal samarbeide med kontor om konsertar og andre kulturarrangement.

01.01.-31.12.2017:

Audny Bakken
Aasmund Kolstad
Torbjørn Thøring
Aud Bjorli
Marit Hole Tynnøl
Jon Olav Løkken

Tilsette

Kantor:	Paul Gunnar Lien	100 % stilling
Kyrkjetenarar:	Ola Nørstebø	80% stilling i Lesja kyrkje
	Steinar Skotte	80% stilling i Lesjaskog/Lesjaverk
	Jørn Sæther	Tilkallingsvikar
Diakon:	Inger Pauline Gravem	100% stilling i Lesja og Dovre
Kyrkjeverje:	Torunn Elisabeth Skotte Stavheim	100% stilling
 Prest:	 Kjell Svarstad	 100% stilling (sjukemeldt frå 11.05.2017)
	Maria Walfridsson	75% stilling frå 01.09.2017

(Prestane er ikkje tilsett i Lesja kyrkjelege råd)

Andre prestar i prostiet har og vore inne som vikarar ved sjukefråvær, ferie og permisjonar. Daniel Johansson har hatt tenesteveke annakvar veke (gjeld gravferder).

Jørgen Brandli, Per Anders Hovelsrud, Kari Lien og Solrun Einbu har vore vikar for kontor.



Kyrkjene/kyrkjegardane:

I mai var det dugnad på alle tre kyrkjegardane. Det var bra frammøte på alle tre, og arbeidet gjekk raskt unna. Takk til alle som stiller opp og tek eit tak på dugnadane!

Delar av kyrkjegardsmuren på Lesja er reparert. Takk til Thorstein Ingvaldsen for fint utført arbeid.

Det har hendt at turistar som har vore innom Lesja kyrkje har etterlyst noko å legge pengegåver i, og Torbjørn Torstad vart spurt om han ville laga ein trelaup til å henge opp i våpenhuset. Takk til Torbjørn for fint utført arbeid!



Sjong

Åsmund Einbu har lagt ned eit stort arbeid på reparasjon av gjerdet kring kapellet på Sjong. Kyrkjeleg råd har dekt utgiftene og Åsmund har utført arbeidet. Stor takk til Åsmund for arbeidet han legg ned innpå Sjong!

Harmoniet på Sjong har vore ein tur til Snertingdal, der det har fått full overhaling på Norsk orgelverksted AS. Takk til Paul Gunnar Lien som frakta og henta orgelet, og til gode medhjelparar som var med og lyfta det ut og inn frå kapellet.



Kyrkjestugu

Lesja kyrkjelege råd står for den daglege drifta av Kyrkjestugu. Forutan framleigeavtale med Vevstugu, har huset vore utleigd til allsangkveld, fleire konfirmasjonar og barnedåpar. I tillegg blir huset brukt både i samband med trusopplæringstiltak og konfirmanntimar.

Stell av legatgraver

Kyrkjetenarane plantar og steller på dei gravene det er stell-avtaler. Det er ca 110 graver med stell-avtaler. Frå og med 2017 er desse tenestene momspliktige.

Konsertar

Kyrkjeleg råd har ikkje arrangert egne konsertar, men kyrkjene har vore utleigd til andre aktørar.

Palmesøndag hadde Lesja og Lesjaskog sangkor konsert i Lesjaverk kyrkje, saman med medlemmar frå Dalakopa.

Markens Grøde arrangerte konsert med Rein Alexsander og Are Hembre i Lesja kyrkje den 22. juli.

Lesja barnekor m/Stella Polaris (vokalensemblen frå musikklinja på Vinstra vgs) hadde konsert 1. søndag i advent, og Lesja og Lesjaskog sangkor m/Yuliya og Arne Johnson hadde julekonsert den 15. desember.

Takk til Kjørengrenda musikkforening som spelar på juleftan i Lesja kyrkje. Takk til Lesja og Lesjaskog sangkor som stiller opp og deltek på gudstenestene på Allehelgen, 1. og 2. juledag.



Økonomi

Kyrkjelova § 15 omhandlar kommunen sitt økonomiske ansvar for drift av fellesrådet.

Lesja kommune er bevisst på at kyrkjer og kyrkjegardar skal vera velstelte og haldast ved like. I 2017 var direkte tilskot til drift kr 2.550 000,-.

Fellesrådet har tenestavtale med kommunen tilsvarande kr 219.000. Dette er husleige, føring av rekneskap, lønsarbeid, datautstyr, papir, porto, kontortelefon, graving, brøyting til og ved kyrkjene og bistand ved større restaureringsarbeid.

Hamar bispedømmeråd finansierer inntil 50% av lønnsutgiftene til diakonstillinga, for 2017 utgjorde dette tilskottet kr 381 000,-

Dovre dekkjer 25% av utgifter til diakonstillinga, kr 192 271,-

Frå og med 2010 mottok Lesja trusopplæringsmidlar (sjå under trusopplæring).

Lesja har vald å ikkje tilsetja nokon fast trusopplærar, men heller bruke midlane til å hyre inn enkeltpersonar/lag/foreiningar frå tiltak til tiltak, og i tillegg ha att midlar til gjennomføring av trusopplæringstiltaka.

Lønnsutgifter til diakon har vore dekt fullt ut, og trusopplæringsmidlane dekkjer alle utgifter til trusopplæringstiltaka, i tillegg dekkjer dei noko lønns- og køyreutgifter til øvrige tilsette, og delar av konfirmantutgiftene.

Det har vore brukt minimalt med vikarmidlar i 2017.

Med auka lønnsutgifter, og signal om reduksjon også i framtida, har vi i tillegg tenkt generell innsparing gjennom heile året.

Festeavgift:

Festeavgifta er for tida kr 100,- pr år grav pr. år. Innbetalt festeavgift i 2016: kr 214 000,-

Rekneskapet for 2017 syner eit rekneskapsmessig mindreforbruk på kr 360 925,- (Momskompensasjon utgjorde kr 86 330,-)

Kyrkjebladet

Kyrkjebladet har eit opplag på 1200 eksemplar. Ca 850 går til innabygds og omlag 200 blir sendt til utanbygdsbuande. Bladet blir og sendt til abonnentar i Canada, Tyskland og Austerrike.

I 2016 vart det innbetalt kr 65 850,- i pengegåver til kyrkjebladet. Dette er ein reduksjon på kr 4 375,- frå 2016. Kyrkjebladet hadde eit rekneskapsmessig mindreforbruk på kr 4774,24,-

Vi får layout-hjelp frå Snøhetta forlag, og bladet blir trykt på Dale-Gudbrand trykkeri. Vi vil rette ein ekstra takk til Ole Martin Sørungård (Snøhetta forlag) for arbeidet han gjer med Kyrkjebladet!

Konfirmantarbeid

Dette året var det 14 konfirmantar i Lesja sokn og 4 i Lesjaskog.

Konfirmantane hadde fleire arrangement saman med Dovre, mellom anna samling med presten på HV-skolen og temadag, på Tunstugu, om kyrkjelege handlingar.

Dei som skal konfirmerast våren 2018 var på leir i Nordfjord ei veke i juni. Frå Lesja var diakon Inger Gravem og Sigrid Lyftingsmo med som vaksne leiarar. Vanja Hole Joramo og Ane Fiskum Skotte var med som ungdomsleiarar.



Nettoutgift til konfirmantundervisninga var på kr 44 689,-

Trusopplæring:

Trusopplæringsreformen inneber at det er kyrkja sjølv som skal gjeva tilbod om trusopplæring til alle døypte i aldersgruppa 0 – 18 år. Tilboda skal supplere dei meir tradisjonelle formene for trusopplæring.

Til gjennomføring av trusopplæringsreforma bli vi tilført midlar, ca kr 400,- pr. år pr. døypt barn i aldersgruppa 0- 18 år. I tillegg fekk vi kr 39 000 i utjamningsmidlar i 2017.

Totalt kr 182 000,-

Trusopplæringstiltak som er gjennomført i 2017:

- Dåpssamtale og dåp
- Ingvill Tøndevoldshagen, Elbjørg Eriksen, Alfild Nordsletten, Randi Mølmen og Dagrún Klungervik broderer dåpsservietter til alle som blir døypt.
- Babysang.
- Utdeling av "Mi eiga kyrkjebok" til 4-åringar. Ungane fekk tilbod om å vera med på ei samling før gudstenesta, der dei bl.a. laga kvar sin sau.
- Utdeling av boka "Tre i eit tre" til 6-åringar.
- 3. klassingene vart invitert til Tårnagenthelg i Lesjaverk kyrkje.
- Utdeling av biblar til 5.klassinger
- Kirkerotten-teater i Lesja kyrkje (4 - 8 år)
- Hausttakkefest på Sjong, der 8-åringar var invitert til samling med overnatting.
- Invitasjon til «LysVåken» i Lesjaskog kyrkje, men ingen meldte seg på.



Kantor Paul Gunnar Lien har jamnleg hatt songsamlingar på Blåsenborg, i Lesjaskog barnehage og i Lesja barnehage.

Barnehagane var på kyrkjebesøk før påske.

- Lesjaskog barnehage var invitert til juletreffest på Kyrkjestugu etter barnehagegudstenesta før jul, og det vart servert bollar og kakao.
- Lesja barnehage vart invitert på tilsvarande juletreffest på Tunstugu etter barnehagegudstenesta.

Kyrkjekaffe:

Etter kvar gudsteneste (med unntak av juleftan, 17. mai, konfirmasjon, allehelgen og langfredag), er det enkel kyrkjekaffe i våpenhuset, eller inne i kyrkja, med kaffe, saft og twist.

Kaffen gjev oss anledning til å stane opp litt og slå av ein prat – visst vi ynskjer det. Ein kopp kaffe i våpenhuset, eller kyrkja, er med på å understreke fellesskapet i menigheita. Kanskje kan vi gjenskape noko av den gamle kyrkjebakkefunksjonen? Oppslutting og attendemeldingar viser at folk set pris på dette.

Menighetsmøte:

Menighetens årsmøte for 2016 vart halde i Lesjaverk kyrkje den 26. mars 2017. I tillegg til vanlege årsmøtesaker, vart det gjort vedtak vedr. revidering av lokal grunnordning for gudsteneste i Lesja og Lesjaskog sokn.

Andre arrangement:

- I samarbeid med Lesja kommune, vart det arrangert «Lesjakveld» på Tunstugu
- Askeonsdagssamling for konfirmantane. "Faste-kost" og "Handelsspel" på Kyrkjestugu
- Palmesøndagsgudsteneste i Rånå skule, med palmegreiner i prosesjon, pølsegrilling og kaffe.
- Påskefrokost i våpenhuset i Lesja kyrkje, 1. påskedag.
- På Bots- og bededag var det prostidag i Skjåk.
- Sommaren 2016 var det to gudstenester på Sjong. 23. juli var det ca 45 stk som kom på gudsteneste. Den 4. september var gudstenesta knytta til trusopplæringstiltak «Hausttakkefest» for 8-åringar.

Til kyrkjekaffen vart det servert grønnsakssuppe, laga av 8-åringane, sveler steikt på bålpanne, sjokoladecake og kaffe.

Frammøtet var ca 55 stk., og mange gode attendemeldingar på arrangementet – både frå familiane til 8-åringane og dei andre som møtte fram.

- 50-, 60-, 70- og 80-årskonfirmantar vart invitert til konfirmantjubileum i Lesja kyrkje/Tunstugu og Lesjaskog kyrkje/Kyrkjestugu.
- I samband med reformasjonsjubileet, vart «Slavar av pulsklokka» arrangert i Lesja kulturhus.



- Jan Inge Sørbø og Tor-Johan Ekeland samtala om tema «Nåden i eit nådeløst samfunn».



Litt statistikk:

	Lesja og Lesjaskog	Lesja og Lesjaskog
Kyrkjelege handlingar:	2016	2017
Døpte	17	30
Konfirmerte	30	18
Vigslar	3	2
Gravferder	23	23
Innmeldt	1	4
Utmeldt	9	9
Ofringar:		
Totalt innkome ved ofring	77 320	79 446
Offergåver til eige arbeid	25 211	23 893
Offergåver vidaresendt til andre	52 109	55 553
Kirkens Nødhjelp sin fasteaksjon	31 269	23 197
Gudstenester	61	59
Tal på deltakarar	4 196	3829

Til slutt ei helsing til alle tilsette, folkevalde og friviljuge:

Takk for det store og gode arbeidet de har lagt ned i 2017!

Lesja, den 30. januar 2018
for Lesja kyrkjelege råd

Torunn Elisabeth Skotte Stavheim
Kyrkjevevje

